



Sud Bosne i Hercegovine
Суд Босне и Херцеговине

Broj: S1 3 Iž 038030 20 Iž
Sarajevo, 23.10.2020. godine

Sud Bosne i Hercegovine, u drugostepenom vijeću sastavljenom od sudija Srete Crnjak kao predsjednika vijeća, Dinke Bešlagić Čovrk i Vesne Trifunović kao članova vijeća, odlučujući o žalbi Nukić Selme 6750 Bear Creek dr St Louis 63129, Missouri USA koja osporava odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasnje izvan BiH za Lokalne izbore 2020. godine, u nejavnoj sjednici, održanoj dana 23.10.2020. godine, donio je

R J E Š E N J E

Žalba se odbija.

O b r a z l o Ź e n j e

Centralna izborna komisija Bosne i Hercegovine je Odlukom broj i datum navedeni u uvodu odbila upis u izvod iz Centralnog biračkog spiska za glasnja izvan BiH za Lokalne izbore 2020. godine po podnesenim prijavama do 01.09.2020.godine jer nisu ispunjeni uslovi propisani članom 3.15. stav 1, 2 i 3 Izbornog zakona BiH.

Navedenom odlukom odbijena je prijava Selme Nukić koja u žalbi navodi da se ne nalazi na birčkom spisku za glasanje iz dijaspore, te traži upute koje ispravke treba napraviti da bi registracija bila validna.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer žalitelj nije upisan u Centralni birački spisak, niti je dostavio ličnu kartu BiH i potvrdu o prebivalištu u BiH.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluke Centralne izborne komisije BiH kojom je odbijena prijava Nukić Selme za upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine.

Iz predmeta spisa utvrđeno je da je žalitelj na propisanom obrascu, elektronskim putem, podnio prijavu za glasanje izvan BiH u kojoj je naveo da privremeno boravi van BiH i zahtjevala dostavu glasačkog matrijalna na njeno ime na adresu 6750 Bear Creek dr St Louis 63129, Missouri USA . Uz prijavu žalitelj je dostavio kopiju pasoša Bosne i Hercegovine izdatog u diplomatsko-konzularnom predstavništvu Bosne i Hercegovine u Chikagu, a označeni status uu kojem boravi izvan BiH je privremeni boravak.

Da bi državljanin Bosne i Hercegovine, a koji privremeno živi u inostranstvu ostvario pravo da se upiše u izvod iz Centralnog biračkog spiska za glasanje van BiH, uslov je da je upisan u Centralni birački spisak, što je propisano odredbom člana 3.15 stav 1 Izbornog zakona BiH.

I ako je žalitelj državljanin Bosne i Hercegovine, pošto nema prijavljeno prebivalište na teritoriji BiH, nije upisan u Centralni birački spisak od strane nadležnog organa kako to propisuje odredba člana 3.13 u vezi sa članom 3.5 Izbornog zakona, pa time nije ispunjen osnovi uslov za ostvarivanje prava za glasanje van BiH. Osim toga, svi nedostaci u prijavi su se mogli otkloniti do 01.09.2020. godine.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81 stav 1 Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

PREDSJEDNIK VIJEĆA
SUDIJA
Sreto Crnjak